

Flakovic

16-12-2020

Broj: 01-14696-6/20
Dana, 16.12.2020. godine

Na osnovu člana 31. Statuta Univerzitetskog kliničkog centra Republike Srpske i člana 69. stav 3) Zakona o javnim nabavkama BiH („Sl. glasnik BiH“, broj: 39/14), donosim sljedeću

ODLUKU O OTKAZIVANJU POSTUPKA NABAVKE

I

Otkazuje se otvoreni postupak za koji je objavljeno Obavještenje o nabavci na portalu javnih nabavki broj: 1255-1-1-692-3-446/20 dana 03.11.2020. godine radi nabavke jedinica za evakuaciju mikroorganizama u ozračenom prostoru za potrebe Klinike za očne bolesti UKC RS.

II

Otvoreni postupak se otkazuje u skladu sa članom 69. stav 3) Zakona o javnim nabavkama BiH („Sl. glasnik BiH“, broj: 39/14), odnosno zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Za sprovođenje ove Odluke zadužuje se Služba za javne nabavke i praćenje realizacije ugovora.

O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Ugovorni organ je Odlukom broj: 01-14696-3/20 od 03.11.2020. godine pokrenuo postupak javne nabavke jedinica za evakuaciju mikroorganizama u ozračenom prostoru za potrebe Klinike za očne bolesti UKC RS, putem otvorenog postupka za koji je objavljeno Obavještenje o nabavci broj: 1255-1-1-692-3-446/20 dana 03.11.2020. godine na portalu javnih nabavki.

Tačkom 8.6. predmetne tenderske dokumentacije ugovorni organ je propisao rok za dostavljanje ponuda 25.11.2020. godine do 9:00 sati, a otvaranje istih 25.11.2020. godine u 10:00 sati.

Do krajnjeg roka za dostavljanje ponuda blagovremeno su zaprimljene tri ponude. Komisija za provođenje predmetnog postupka nabavke je dana 25.11.2020. godine, u skladu sa članom 63 stav 1. i 2. pristupila zakazanom otvaranju blagovremeno prispjelih ponuda radi nabavke jedinica za evakuaciju mikroorganizama u ozračenom prostoru za

potrebe Klinike za očne bolesti UKC RS, po redoslijedu prispjeća, odnosno zaprimanja na Protokolu ugovornog organa.

Po završetku otvaranja ponuda ugovorni organ je pristupio analizi dostavljenih ponuda. Naime, tačkom 9.1. tenderske dokumentacije predviđena je dodjela ugovora prema kriterijumu ekonomski najpovoljnija ponuda (cijena - 80%; rok isporuke – 20%).

Međutim, u periodu od podnošenja zahtjeva za provođenje postupka nabavke, odnosno od objavljivanja Obavještenja o nabavci i TD na Portalu javnih nabavki BiH do danas, došlo je do pogoršanja epidemiološke situacije izazvane korona virusom koja je uzrokovala reorganizaciju rada i funkcionisanje UKC RS, pa samim tim i Klinike za očne bolesti tako da su potrebe za nabavkom predmetnih jedinica smanjene.

U isto vrijeme, Ugovorni organ je putem određenih donacija obezbijedio trenutno neophodne količine predmetnih roba odnosno zadovoljio potrebe zbog kojih je ova nabavka i pokrenuta, tako da je ista postala bespredmetna.

Polazeći od činjenice da je svrha i cilj svakog postupka nabavke da ugovorni organ zadovolji potrebu za nabavkom neophodnih roba, usluga ili radova, a ne zaključenje ugovora kao takvog koji je sam sebi svrha, jasno je da je u novonastaloj situaciji kada je ugovorni organ kroz druge izvore finansiranja zadovoljio potrebu za predmetnim robama konkretan postupak nabavke postao bespredmetan i da bi zaključenje ugovora predstavljalo nepotrebno trošenje javnih sredstava koja se u ovoj situaciji mogu preusmjeriti na druge nabavke koje su neophodne ugovornom organu.

U postupku donošenja ove Odluke nesumnjivo je utvrđeno da postoje dokazivi razlozi izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke (pogoršanje epidemiološke situacije koja je uzrokovala reorganizaciju prostora i rada UKC RS pa samim tim i Klinike za očne bolesti, donacije za koje Ugovorni organ nije mogao znati, niti na njih računati), te su se stekli zakonski uslovi za otkazivanje postupka javne nabavke jedinica za evakuaciju mikroorganizama u ozračenom prostoru za potrebe Klinike za očne bolesti UKC RS.


Iz navedenih razloga, a u skladu sa čl. 69. stav 3 Zakona o javnim nabavkama BiH odlučeno je kao u dispozitivu ove Odluke.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili je mogla da bude u konkretnom postupku javne nabavke prouzrokovana šteta zbog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se podnosi ugovornom organu, u pisanoj formi, u roku od deset dana od prijema Odluke na način predviđen članom 99. Zakona o javnim nabavkama BiH.

DOSTAVLJENO:

1. Svim ponuđačima
2. Sl. za javne nabavke i praćenje realizacije ugovora
3. Arhiva


GENERALNI DIREKTOR,
Prof. dr sc. med. Vlado Đajić